

XA TEMOS DEDICATORIAS GAÑADORAS

*O prazo máximo de disfrute e de solicitude dos premios
será o 31 de outubro do 2023*



"Dillo ben bonito.

O amor prémíase en Laxe

8 Dedicatorias Premiadas
8 Noites de aloxamento con almorzo
para 2 persoas" **PARA AS
MÁIS VOTADAS**



CABANAS NA AREA // HOTEL O NÁUTICO DE LAXE
HOTEL RÚSTICO DA TORRE // CASA RURAL DE ARRUEIRO
HOTEL PRAIA DE LAXE // HOTEL MAR DE LAXE
APARTAMENTO TURÍSTICO OS BATÁNS // HOSPEDAXE RESIDENCIA BAHÍA

Grazas polas vosas participacións

Máis información en:

cultura@concellodelaxe.com ou 981 706 903



ORGANIZA:
Concello de Laxe



ESTRELLAS

1º PREMIO

Y cuando le pregunté en aquella azotea,
coronada de diez mil estrellas.

¿Habrías imaginado veinte años atrás?

¿Desde el otro lado del mar, estar hoy aquí?

Y él me respondió; No imaginé dónde estaría,
¡Pero sí sabía, con quien! ... Simplemente morí.

ALOXAMENTO: CABANAS NA AREA

ESTRELLAS

FIAMA.



Concello de Laxe





2º PREMIO

BÓTOCHE DE MENOS

Que frase tan potente e de cantas maneiras se pode decir sen pronunciala.

Podemos botar de menos a alguén porque está lexos, porque unha relación rematou ou porque as circunstancias nos superaron.

Botar de menos é un sentimento puro, sinxelo e fermoso.. moi fermoso.

Significa que necesitamos a presenza de aquela persoa, porque nos fai sentir ben.

Por momentos e necesario separarnos de esas personas, para decatarnos do importantes que son para nos, da moita falta que nos fan.

Botar de menos é sentir, é querer pero sobretudo é sinal de que algo nos fixo felices.

Pétalos no mar

ALOXAMENTO: HOTEL O NÁUTICO DE LAXE



Concello de Laxe





3º PREMIO

“O AMOR NON É SEMPRE ROSA, VAI CAMBIANDO DE COR”

Recordo a túa mirada profunda, esa que me namorou a primeira vez.

Recordo ese aroma doce e penetrante que tanto me atraía.

Recordo ese sorriso cautivador que os meus ollos facían brillar.

Recordos eses abrazos envolventes que me transportaban a un mundo atemporal.

Recordo esas caricias apaixonadas que me facían estremecer.

Recordo cada minuto que pasamos xuntos. O meu mellor regalo, o teu tempo, ese que me brindaches de forma desinteresada.

Recordos...con eles intento encher o meu baleiro interior. Fixeches que o meu mundo esté cheo de momentos inolvidables, eses que intento lembrar cada día, a cada momento. Foi moi difícil despedirme de ti pero...o amor nunca morre.

“O AMOR NON É SEMPRE ROSA, VAI CAMBIANDO DE COR”

Mar en calma

ALOXAMENTO: HOTEL RÚSTICO DA TORRE



Concello de Laxe





CON FORZA

Respira lento, pisa con forza,
sente desde dentro. Acouga.

Mira ao lonxe, cólleo con forza,
pensa en frío. Escrita.

Regala tempo, ri con forza,
disfruta o momento. Loita.

Quérea ben, ámao con forza,
dille o que sutes. É agora!

- Con forza (título)
- Allerton (pseudónimo).

4º PREMIO

ALOXAMENTO: CASA RURAL DE ARRUEIRO



Concello de Laxe





“UN NOVO ESPERTAR”

Coñecerte...

*Non foi sen tempo rapaz, tras tanto agardar;
Como faro que alumea a espera de axudar a voltar,
moi pretiño do mar.*

Semellaba un bonito espertar

algo difícil de expresar...

*Que fermoso bicar despois de namorar tan cerquiña do meu lar,
Na beiriña dese mar que tantas veces me viu chorar.*

Máis agora,

tras verte zarpar xa só queda ollar, ceo e mar.

Naquel mesmo lugar

esperarte voltar ou o mellor olvidar...

aqueles bicos de rapaz.

“A ESPERA”

Xesta Moura

5º PREMIO

**ALOXAMENTO:
HOTEL PLAYA DE LAXE**



Concello de Laxe





Os amantes escondidos

Como non aproveitar esta data de "San Valentin", ou como nos gusta máis dicir a nós Día dos Namorados, para poder mostrarche o meu amor.

Pecho os ollos e desde esta cama recordo todo o vivido dende que nos coñecemos, e que seguro son so uns anaquiños no longo percorrido que vai ser a nosa historia de amor.

Recordo o primeiro día, aquela esquina, o primeiro bico a escondidas, xa non eramos novizos pero sei que os meus beizos che deixaron un arrecendo que facia moito que non sentías.

Tamén recordo tantas postas de sol o teu lado na Praia dos Cristais !!!
O mar que tantas ledicias nos da mollaba os nosos pés, e esa praia de cores que o sol amosaba máis fermosa que nunca (sí, ti tamén estabas moi todo).

Que fácil foi entendernos e deixarnos ir, deixar que medraran os nosos sentimentos co paso do tempo, e aínda que nestes derradeiros meses e por culpa deste virus non poidamos pasar tantas horas dándonos calor, si notamos a sensación de que o noso amor, aínda que sexa a distancia, segue medrando.

Sei o que son para ti e sei o que vas ser para min nos anos que vamos compartir o noso amor, e espero que as bagoas que poidan mollar as túas meixelas sexan de alegría e nunca de dor.

Tesme que perdoar xa que vou deixar de pensar en ti uns intres, acaba de entrar a enfermeira, e como ti ben sabes, ultimamente é a muller que máis horas pasa comigo (ha, ha, ha).

Quérote como nunca quixen e podo dicir sen equivocarme que todo o amor recibido nestes anos que levamos xuntos supera a calquera historia de amor antes pensada e escrita.

Bico miña amada.

6º PREMIO

ALOXAMENTO: HOTEL MAR DE LAXE



Concello de Laxe





EUCALIPTO

Cada vez que te vexo, plantas en min una semente. Pequena, moi miúda, queda anclada nas miñas entrañas. Ao pasar as horas, van medrando as súas raíces. Ao finalizar o día, chegan as súas follas ao meu peito, que me comeza a apretar. Calada e as escuras doulle permiso aos meus ollos para soltar un par de bágoas, que continuarán os seguintes días. Regando a túa planta. Choro polo que foi, polo que fumos e polo que nunca máis seremos. Choro porque verte recórdame o ben que estabamos e que xa non estamos. Choro porque me engano dicíndome a min mesma, que xa non eres a persoa que eras, e por iso non estás comigo. Pero véxote e decátome da miña mentira, porque aí siguen os teus xestos, a túa forma de falar... simplemente xa non os compartes comigo. Non che quero mentir, quérote con loucura, pero eu creo que non me queres, ou polo menos non me queres ben. Vas e ves. Volves aparecer e trátasme como se non pasaras os anos, as historias e a vida por nós. Por unas horas creóme cerca de ti. Pero deben ser os 30, que me dou conta de que non, que non estou cerca de ti, que non pode ser, que me fas máis mal que ben.

Por omisión, ti deixachesme a min e eu nunca o superei; machacándome por anos sen saber por qué. Máis, aínda que isto cheira a desamor... non o é. Quérote con locura, desexоче TODO o mellor. Agora deixote eu a ti, non porque non te queira, non sen darche explicacións. Deixote, porque non me fas ben.

Isto é unha declaración de amor, porque aos meus case 31, decidín quererme máis e mellor a min, e que outros enchan de flores o meu xardín.

FISIOQUEEN

7º PREMIO

**ALOXAMENTO:
APARTAMENTO TURÍSTICO
OS BATÁNS**



Concello de Laxe





8º PREMIO

AMOR

Cando era nena. sentada no regazo da miña nai, eu víate pasar. Ti eras o sol da mañá, o calor das tardiñas. Ti eras o meu alento e o meu espertar.

Cando era nena, agarrada da man da miña nai, eu víate pasar. Ti eras aquel vento que xogaba cos meus cabelos e me aloumiñaba as meixelas ao camiñar.

Porque, Amor, dende nena, xa sabía que te ía atopar. Es sol. Es vento: Dozura e liberdade.

Hoxe sei, e querocho dicir: non hai un antes nin un despois. Entre nós existe un SEMPRE que o invade todo. Iso é o noso amor.

MÚSICA.

**ALOXAMENTO:
HOSPEDAXE RESIDENCIA
BAHÍA**



Concello de Laxe

